

近代中國史料叢刊第三十七輯  
沈 雲 龍 主 編

桐城吳先生（汝綸）日記

吳 闓 生 編

文海出版社印行

桐城吳先生日記

W-60067

桐城吳先生日記序

桐城先生逝世既三十年世之稱先生者皆曰先生文章家也嗚乎文豈足以盡先生邪當有清之季舉國士大夫蔽於時文之習拘守故轍至中日熾起猶不識彼此強弱所在驕然自恣以譏其國先生獨於數十年以前振發聾瞶以爲不師人長不足以挾弊圖新庚子之亂以力倡西學至爲羣小所不憚幾於不免逝世前數月尙遠踔海外孜孜焉攷其教育短長至於勞瘁歿身而後已其閔識毅力所以匡士風維國是者視今日所稱先覺之士何如哉特傳於世者不以政而以文耳嘗憶少時及門初讀先生之文茫乎不見畔岸私竊測度意者先生其天人邪耿耿者數十年既畧讀所著諸書進而觀其日記乃知生平所發憤致力非後生小子所能跂及萬一宜乎其發於文者奇偉不測如彼也日記所載自出爲州郡退主講院以至避寇鄉野視學異國其間疾病患難造次顛沛數十年無虛日自經史諸子百家之義理文辭訓詁名物以至時政邦交各國學術教育無所不究行己接人居處遊覽之事無所不錄而綜括精

到不爲厲詞碎語蓋清代以來名儒鉅公之日記鮮有如斯之備者也夫官室之美見其魏戟輪奐而不見其鳩工庀材之役黼黻之章見其文繡光華而不見其治絲設色之技則耳目震炫有莫知其所由致焉爲學之道亦猶是已觀其旣成嚴平若數仞之牆渾然若無縫之衣使人無可窺測而循其程功集事之所由則皆積累而成自微之鉅尺寸錙銖之勤無不厯厯可數日記者固錙銖尺寸之可以示人者也故嘗以謂求古人之迹高文典冊不如友朋書札友朋書札不如日夕記錄何者彼爲其表此得其裏也彼觀於橫而見其量此觀於縱而見其塗也先生之書若詩文集若經說若尺牘若所評勘各書旣久已風行於世今更合以此編善學者庶於縱橫表裏之間有以窺其全乎日記卷帙繁富皆先生隨手纂錄先生逝後子闈生依類鈔輯爲十二門凡十六卷約四十餘萬言鈔成藏之篋笥旣久今門人輩議以付梓闈生屬忠寅爲序忠寅何人也於先生之高深正莊子所謂井鼃不足以語於海者矧羸疾之餘語言失次久矣烏足贊一詞邪顧拳拳之私有不能已於言者爰記所懷如此以證

於世之讀此書者戊辰閏月門人任邱籍忠寅謹序



桐城吳先生日記總目

男閩生謹編

門人籍忠貞邢之襄等同校刊

經學第一

史學上第二

史學下第三

文藝第四

考證第五

時政第六

外事第七

西學上第八

西學下第九

教育第十



制行第十一

遊覽第十二

品藻第十三

纂錄上第十四

纂錄中第十五

纂錄下第十六

經學

桐城吳先生日記卷第一

書宅岫夷金履祥書表注曰蔡邕石經宅作庀朱鶴齡書經考異曰蔡石經作度又鄭君周禮注引書度西曰柳穀案廣韻庀古文宅字又云古文度字集韻宅或作度度或作庀玉篇古文宅作宅五音集韻度古作寔臣瓚漢書注云古文宅度同據此則宅俱爲度讀若謀度之度蓋推測日影之遠近周禮土圭之法是其遺也土圭鄭注土猶度也偽孔訓宅爲居非是同治丙寅六月

宅南交鄭云夏不言明都三字磨滅也爲孔云北稱幽則南稱明可知也今案幽都山名見爾雅注鄭孔說非是古書非必字字整齊如此下文敬致二字春秋冬皆不同史記索隱云南方有交阯古文畧舉一字名是也書大傳中祀大交與秋祀柳谷冬祀幽都對文王引之謂交上當有曰大二字亦非伏生以大交解書不必本文實爲大交也故鄭注南交稱大交今引之改鄭注爲南稱大交尤謬

咨女二十有二人二十二史記集解引馬注不數稷契臯陶云皆居官久有

成功但述而美之無所復救正義謂鄭數及斯伯與朱虎熊羆不數四岳王引之曰二十有二人當作三十有二人豈有稷契臯陶不在亮工之列者乎又豈有敕牧而遺岳者乎馬鄭非是今案引之非馬鄭是也其改經文非也當從蔡傳以四岳爲一人于義爲優及斯等無專命不敕可也謂堯舜咨四岳必稱僉曰爲四岳同辭決非一人不知凡咨四岳皆詢謀僉同之義必朝臣皆在咨岳舉尊者爲辭非止問一人也觀治水之命稱僉曰又稱岳曰異位之命稱岳曰又稱師錫帝曰使僉曰爲四岳同辭何以別於岳曰哉且堯之禪位豈得并讓四人林之奇謂欲使四岳自相推舉然經但云汝能庸命異朕位乃告一人之辭不見有使相推舉之義也引之謂凡言四者其數實有四謂四岳爲一人則四門四目四聰亦可謂一門一目一聰乎不知四岳與百揆同百揆以治庶事四岳以治庶官周官云內有百揆四岳外有州牧侯伯其以岳名官蓋兼主祭四岳之職孟子所謂使之主事而事治者百揆之職使之主祭而百神享者四岳之職若謂四岳爲四人則百揆將爲百人乎且分掌四方乃州牧之職今既

有十二州牧以統羣后又有四岳以統十二牧唐虞官制恐不若是繁矣周召分陝周制爲然唐虞固不必同也引之又謂乃日觀四岳羣牧四岳四人羣牧十二人故逐日遞見之案此經既月乃日爲句史記漢書并云擇吉月日是既擇吉月又擇吉日故曰既月乃日非逐日遞見之云也其曰四岳羣牧謂四岳旁之羣牧卽下岱宗南岳西岳北岳爲四岳與他四岳異文若四岳之官固常在朝內不必擇日月而觀之矣

往哉女諧諧與偕通謂同往也諸臣讓德舜無不用者故皆以俞答之禹伯夷所讓皆有分職則百揆秩宗禹伯皆專任之故曰汝往哉往欽哉及所抃虎諸人卽命共襄工虞之事故不分命但俞垂益之言而曰往哉汝諧其不在二十二人之數者則垂益統之也禹謨云惟汝諧諧蓋仿堯典而失其義矣

自我五禮有庸哉釋文天敘有典及此有庸有字馬融本皆作五今案有典有讀如字有庸當從馬本自玉篇率也庸訓用舊注誤

左右有民此卽易象以左右民之義有民如有眾率怠弗協以爾有眾請命之

義傳訓我所有之民非是

明庶以功左氏傳作明試以功是也此與堯典文同庶試聲相近而誤也

庶績咸熙史記作眾功皆與爾雅厥熙興也傳訓廣非是百工熙哉王念孫亦訓熙爲興

肇十有二州封十有二山肇封與濬相對成文傳訓始訓大非是案肇大傳作兆古肇與兆通詩肇域彼四海鄭箋肇當作兆與此文同孝經卜其宅兆注謂塋墓界域漢書郊祀志謹按周官兆五帝于四郊注兆謂爲壇之兆域說文兆灼龜坼也蓋本灼龜坼借爲界畫之義封如畿封封疆之封說文爵諸侯之土也从之从土从寸徐云各之其土也寸守其法度也周禮王大封則告后土注封土地之事是封亦分畫界域之義又大司徒職凡造都鄙制其地域而溝封之封卽此文所謂封山溝卽此文之濬川也彼注土在溝上非是封山濬川皆肇十二州之事以山爲界曰封以川爲界曰濬

念茲在茲釋茲在茲名言茲在茲允出茲在茲惟帝念功左氏傳引此釋云將

謂由已壹也信由已壹而後功可成也最得此文之義在茲云者謂專一于此也念則不釋釋則不念言則不出出則不言所謂由已壹也名言號令也周語言以信名是也出通作黜紕記不孝者君紕以爵堯典黜陟幽明與此出同增韻出斥也四語皆反對釋與念反允出與名言反也禹意欲舜一于念功故反覆言當專一林之奇謂禹自言其念皋陶如此非是偽孔傳尤不可通孔傳古文爲梅賾所上傳出梅賾之手古文亦當出梅賾手豈有自注其書而不能道其義者此可決古文之不盡偽也

男闈生謹案謂古文不盡偽猶先公早年未定之說

禮不退則必引而去君之黨黨所也見公羊傳注左氏傳何黨之乎注亦訓所去君之黨卽左傳武子去所之義

少時玩易圖書謂河圖以五爲主生數五成數亦五成數去五則爲生數生數加五則爲成數生數自乘得三五三爲天生木之陽數成數自乘得八五八爲地成木之陰數此帝出乎震之義洛書亦五居中縱橫圓徑合之皆爲十五此參伍錯綜聖人解洛書之旨易道扶陽抑陰故生成數合皆爲奇數云云偶檢

舊稿記之

薄言詩中語詞有合用者薄言采之之例是也有分用者言告師氏薄汙我私之例是也毛傳訓言告師氏之言爲我朱傳訓薄汙我私之薄爲少皆非是

曰爲改歲入此室處洪範一曰歲疏謂自今歲冬至距來歲冬至爲一歲中數曰歲朔數曰年周禮所謂正歲正年也釋者謂周先世本已建子其說非是三正遞改自殷世始夏時古前世通行孔子獨稱夏者舉其最後爲說諸儒謂唐虞以上皆已三正迭用者亦非五帝今不可詳考若唐虞授時巡岳見於尙書皆是用夏正則唐虞無改正之說可知以前亦不改正余曾有三正辨一篇徵引頗爲詳博今其稿失去不復記憶矣

左傳志誣其上而公怨之以爲賓榮公怨謂公然怨之也其能久乎幸而後亡言必爲戮出奔猶其幸也注謂必先亡非

左傳一國三公謂重耳夷吾奚齊也士蔣蓋苗知晉亂

男有室女有家孟子云丈夫生而願爲之有室女子生而願爲之有家夫謂妻

曰室三十曰壯有室是也女謂夫曰家公羊注婦人生以父母爲家嫁以夫爲家是也又周禮媒氏司男女之無夫家者而會之鄭注謂男女之鰥寡者是謂寡爲無夫鰥爲無家夫謂其妻亦曰家也詩宜其家人鄭箋家人猶家室也疏云家猶夫人猶婦愚謂家人謂夫今俗稱妻爲室人則妻亦可謂夫爲家人矣箋疏未安

國語先時九日大史吉稷曰自今至於初吉鮑彪注先先立春日初吉二月朔日也詩云二月初吉今案毛傳初吉朔日也彼經有二月故爲二月朔日非謂初吉爲二月朔日周禮正月之吉鄭謂吉爲朔日然則初吉猶云始日耳此文上先時九日爲先立春九日則此初吉蓋卽立春之日以其春之始故云初吉下文自今至于初吉又云距今九日文義自明

詩不可休息韓詩作不可休思釋文謂古本皆如字本或作休思此以意改案毛訓思字在游女之上當時必仍作休思至鄭作箋時始譌爲息

江之永矣韓詩永作漾薛君曰漾長也說文亦作兼兼漾通此永本當作兼譌



爲永

剋剋錯薪言刈其楚孔疏薪木稱月令注大者可析謂之薪下萑亦云薪因此通其文今案說文薪萑也柴也又云萑草薪也孟子毀傷其薪木趙歧注薪草樹木則草亦稱薪孔說非是又說文楚叢木一曰荆又云荆楚木也鄭學記注楚荆也本草注古者刑杖以荆故字從刑其生成叢而疏爽故謂之楚又楚國亦謂荆荆楚一物朱子謂楚爲荆屬未安

麟之定毛傳定題也疏曰釋言文傳或作顛釋畜云的顛曰顛因此而誤定本作題案此疏謂傳中題字或誤爲顛釋文云題爾雅注類也本作顛誤說與此同彙纂引疏云定或作顛誤矣

詩譜分岐邦周召之地爲周公旦召公奭采地疏云分采地當是中半不知孰東孰西或以爲周東謂之周西謂之召事無所出未可明也今按樂記周公左召公右又分陝而治亦周東召西則分采亦當如或說無疑

譜云后妃夫人有斯德興助其君子皆可以成功至於獲嘉瑞孔云后妃夫人

皆太妣周南王者之化故稱后妃召南諸侯之化故云夫人又云陳聖化稱后妃說賢化稱夫人云云余謂一太妣之號忽而后妃忽而夫人不應顛倒升降如此鄭謂皆可以成功則明非一人孔氏謬甚

自傳于此名也陶唐之末中葉公劉亦世修其業陶唐之末四字當屬上文孔氏以屬中葉公劉讀者非是

邇及商王不風不雅何者論功頌德所以將順其美刺過譏失所以匡救其惡各于其黨則爲法者彰顯爲戒者著明孔氏云風雅之詩止有論功頌德刺過譏失二事此二事各于己之族親周人自錄風雅則不假復錄先代余案頌止論功頌德風雅則有刺過譏失二者各從其類不可相混此商頌所以不雜取風雅也孔說非是

月令仲春之月昏弧中旦建星中疏云弧近井建星近斗井斗星多體廣不可的指故舉弧建定中案史記歷書二十八宿列建星不列斗列狼不列與鬼列弧不列東井漢書律歷志日月在建星李奇曰古以建星爲宿考漢志則以弧

木也之之之之之  
建爲宿者甘氏之說古說也孔氏誤詳見余二十八宿甘石不同考

五十曰艾釋詁艾厯也郭云長者更厯事久也

招搖在上招搖一星在梗河北謂北斗第七星者非也斗七星曰搖光

廡庫爲次以牲殺器皿皆所以奉先祖者故先于居室陳氏謂欲不之于用非  
非見國君無不答拜者見國君不答拜如上言大夫士見于國君君若迎拜則  
還辟不敢答拜者是也此統大夫士而言

天子有后節當在公侯有夫人上脫簡在此

去國三世節言去國而宗族仍列爵故國及親屬仍存者則祭禮喪服哭次不  
得改從新國必反問于宗子不然則唯新國是從也告與問通

公曰末之卜也卜讀爲僕與後卜人師扶右同此蓋罪縣賁父之辭故賁父死  
之及見馬負流矢知非僕人之罪故爲賁父作誅舊爲卜國不稱名而稱姓非  
是

坤釋文又作《《乃順之段字猶說文段古文以爲賢哥古文以爲歌孟郁修

堯廟碑作川孔廟置卒史碑作《韓敕修孔廟後碑作《史晨祠孔廟奏銘作《魏修孔子廟碑作《皆是隸書川字至陸德明時尙有作《之本而皆莫識爲順之段字 丁卯年

履霜鄭讀履爲禮蓋履霜經文作禮鄭破段字而讀以本字後人用注改經又以既改之經改注經典如此者甚多段氏經韻樓集舉周禮菹讀爲鉏蟻讀爲蠅數事可證

小貞吉大貞凶周官凡國大貞卜立君卜大封鄭司農曰貞問也說文卜部貞卜問也又曰占視兆問也是貞與占同義周官天府季冬陳玉以貞來歲之吉

凶

不寧方來考工記祭侯之辭曰惟若寧侯無或若文不寧侯此不寧二字之義方之言并也說文方併船也象兩舟省總頭形儀禮鄉射禮不方足鄭注方猶併也尙書小民方興史記作并興

邑人不誠誠當讀爲駭周官太僕始崩戒鼓鄭注故書戒爲駭

既雨既處說文處止也重文處曰處或从虍聲是處本訓止詩其後也處公尸來燕來處毛并曰處止也止謂雨止

視履考祥爾定考成也王注履道成矣成字正釋考字正義非是

拔茅茹以其彙漢書劉向傳注引鄭氏曰茹牽引也王以茅茹連讀非傳曰拔茹征吉則中間茹以其彙四字爲一句

匪其彭釋文彭子夏作旁王注中盛字正釋彭字以彭旁皆有盛意故經字作彭而注作旁廣雅彭彭旁盛也匪之言分也周官匪頒之式司農曰匪分也廩人職匪頒鄭注匪讀爲分說文斐分別文也斐匪古通用匪其彭言下三陽雖盛能分別不與合傳曰明辨哲正以能分別矣

先甲三日先後甲以春之日言月令所謂其日甲乙也先後庚以秋之日言月令其日庚辛也蠱爲有事之卦以春言見始事之義巽爲申命行事之卦以秋言見繼事之義言甲庚不言乙辛省文冠禮前期三日筮賓此先三日之例子生三日卜士負之此後三日之例

幹父之蠱幹并當爲幹說文幹蠱柄也引申之得訓爲  
山海之貨注幹讀與管同謂主領也漢隸或以幹爲幹  
三事幹卽幹也寶憲傳內幹機密劉向傳幹尙書事皆  
事之幹也貞固足以幹事亦當爲幹

咸臨雜卦咸速也咸臨言臨之速也荀子議兵曰感忽  
也學者但知咸訓感感訓應而不知咸有感忽之訓故  
觀我生生當讀爲性周官辨五地之物生杜子春讀生  
大臣之義當觀賢人知其性行則以生爲性漢人固有  
白馬翰如王注言翰如以待不以翰如爲馬色禮檀弓  
也是鄭讀翰如幹王從鄭讀廣疋釋詁幹安也翰如猶  
剝牀以辨辨當作胖膂肉也內則篇鵠鵠胖鄭注胖謂  
膂與牀最近故初爻曰以足二爻曰以胖與剝牀以膚  
畜畜以其鄰虞注以及也胖辨古字通士虞禮以其班

今文爲胖少牢饋食禮司馬升羊右胖注云古文胖皆爲辨

刑牀以膚說文臚皮也重文膚曰擋文臚是臚膚一字釋名腹前曰臚

羸其角釋文羸馬云大索也王肅作縲鄭虞作縲蜀才作累張作縲是此字諸家各異其爲段借字明矣竊謂周易羸字皆以作縲者爲正縲係也侯果曰角被拘羸此古義也姤初六羸豕虞翻曰異繩操之故稱羸并豕辭羸其瓶荀爽曰初欲應五爲二所拘羸故凶王氏前後異義殊不可從正義于此云拘羸纏繞也蓋用古義于井象云拘羸其瓶而覆之雖徇王注仍用古義惟羸豕不言拘羸則以王注與古義絕遠耳

得其大首首當爲道周書芮良夫篇予小臣良夫稽道羣書治要作稽首史記秦本紀追首高明索隱曰會稽刻石首作道并其証也屢爲大塗故有得其大道之象

往不勝爲咎爲咎猶有咎也孟子將爲君子焉趙注爲有也又爲間不用注爲間有間也莊子大宗師莫然有閒釋文亦作爲閒





漢制多因古春秋紀子帛名裂繻然則裂帛爲符古制所有禘說文作祭絜絜也言繻爲符乃有衣中之敝祭則不足以徵信傳曰有所疑也又曰有疑則繻是所以爲信之物明矣

以此毒天下而民從之毒篤督古通用微子天毒降災史記宋世家作天篤左傳司馬督漢書古今人表作司馬篤此毒當爲督釋詁督正也

地道變盈而流謙呂氏春秋至忠篤顏色不變高注變毀也毀盈與虧盈義近又剝象傳柔變剛亦柔毀剛

乘木舟虛也詩谷風疏引鄭注船空大木爲之曰虛卽古又名曰虛總名皆曰舟合言舟虛猶禮言魚鮪魚其總名鮪其別名左傳言烏烏其總名烏其別名古人屬文自有此例

知光大也光與廣通光大卽廣大說詳王氏經義述聞知當讀志繻衣爲下可述而志也注志猶知也列子女志疆而氣弱張湛注志謂心智志知古通用衍在中也荀爽美德優游在中詩醜酒有衍傳曰衍美貌衍在中猶云美在中

也

不足以與行也以字衍文古以與二字通用貨殖傳智不足與權變勇不足以決斷楊雄傳建道德以爲師友仁義與爲朋與以互用與此同

卑以自牧也荀子成相篇請牧基楊倞注牧治然則卑以自牧者卑以自治也物與无妄四字卦名也但曰无妄猶習坎二字卦名但曰坎也彖辭已從省惟象傳尙存舊耳世傳歸藏卦有大毒畜小毒畜是三字卦名矣

下不厚事也厚與后通檀弓后木正義曰世本云厚此云后是其証后厚皆訓後釋名釋親屬曰后後也釋言語曰厚後也莊子列禦寇篇注靜而怯乃厚其身耳釋文元嘉本厚作後下不厚事卽事君敬其事而後其食之義

行惻也傳文行字卽經文爲字墨子經上篇曰行爲也行惻卽爲惻正義解經文曰爲猶使也而淮南子說山篇高誘注曰行猶使也蓋行之與爲其義通矣但述經文其義自見孔子作傳自有此例比初六大有上九之類皆然

信如何也信當讀爲身周官僕執信圭鄭注信當爲身是也

失時極也極當讀亟荀子賦篇出入甚極又曰反覆甚極注并曰極讀爲亟是古字通失時亟猶論語好從時而亟失時

齊小大者存乎卦齊大小與列貴賤同淮南子原道篇齊靡曼之色高注齊列也莊子齒如齊貝猶列貝也

其靜也專專當作搏說文搏圖也考工記梓人搏身而鴻及廬人弓注并訓搏爲圖楚辭橘頌圓果搏兮注曰楚人名圖爲搏作專者段字耳秦本紀搏心壹志段搏爲專也釋文專陸作搏搏卽搏字之譌

成性存存釋訓存存在也

言天下之至賾而不可惡也惡之言龕也國語惡金以鑄鉏夷斤楊章注惡爲也既夕記主人乘惡車亦取龕義惡與善對釋名善演也演盡物理也然則不盡物理謂之惡矣

盜思奪之矣詩思樂泮水禮器篇正義作斯樂泮水言歸思復唐石經作斯復思斯古通此兩思字均與斯字同

聖人以此洗心釋文出先心二字曰劉瓛悉珍反今案書自洗泐釋文洗馬云盡也洗心盡心也

動而不括括與适通書南宮适大傳作括是也說文适疾也不括言不疾君子不急于動

於稽其類釋詁爰粵於也詩爰采唐矣士冠禮爰字孔嘉毛鄭弁訓於漢書敘類尚粵其機應劭曰粵於也於稽猶云爰稽粵稽耳

因貳以濟民行貳副也司盟職既盟則貳之注貳之者寫副當以授六官古者三易掌於大小聖人因寫副本行之邦國使民皆得取決故曰因貳以濟民行變化云爲廣雅釋詁云有也陸機詩公之云感注引應劭漢書注云有也晉語其誰云弗從韋注誰有弗從亦訓云爲有變化云爲言變化必有所爲與吉事有祥一律

不易乎世詩施于孫子箋施猶易也我心易韓詩作施韓策易三川而歸史記作施三川是也

善世而不伐世與大義古通世子世室世叔經作世字傳注皆爲大善世與德博一律

日可見之行也日當爲日

蓋言順也順卽象傳馴致之馴二字聲義並同

既成萬物也侯果解既有典常曰盡有典常訓既爲盡此既義與彼同

爲蕃鮮蕃讀爲播周官大司樂播之以八音故書播爲藩杜子春云藩當爲播此段蕃爲播鮮之言散也周語地無散陽漢白石神君碑作地無蕪陽蕃鮮謂播散也以上易

克明俊德此句與上文連讀以親九族以下皆兩句一義與慎徽五典八句正相似

試可乃已已當作以檀弓篇則豈不得以注以已字以與已字本同易已事遊往釋文亦作以論語毋吾以也鄭本作已皆以已通用之證以用也史記作試不可用而已蓋以文義難讀改之

巽朕位史記巽作踐當從之踐古音與巽近仲尼弟子傳宓不齊字子賤任不齊字子選賤從菱聲選從巽聲皆名不齊是其證矣

鞭作官刑蓋以警庶人在官之游惰者官館古同字賈誼傳學者所學之官也文翁傳修起學官于城都市中字并作官原官之始專爲庶人在官者而設其後遂相承以爲吏事君之名

達四聰杜左傳注作四窗古窗與聰聲義俱通釋名窗聰也

黎民阻飢古文作阻今文作祖皆且之段字商祖庚卣祖乙卣祖皆作且大射禮且左還鄭注古文且爲阻是其證論文且荐也毛詩傳荐重也

女后稷詩思文正義引鄭注曰女居稷官種蒔五穀疑鄭君本作女居稷今作后形似而誤國語我先王世后稷后字亦當作居

寬而粟詩積之粟粟說文作秩秩公羊哀二年戰于栗釋文一作秩粟秩古通用

庶明厲翼明當爲萌周官占夢乃舍萌于四方杜子春讀萌爲明又曰其字當

爲明是明萌古通用庶萌厲翼言庶民勉厲以助上也

予思曰孜孜上思曰贊贊正義曰者謂我上之所言也是其字作曰今作曰誤也此亦當作曰曰者語詞思曰贊贊思贊贊也思曰孜孜思孜孜也

奏庶艱食艱當爲饑說文艱從蓂艮聲重文艱艱從喜饑亦從喜聲同故通用鄭特牲饋食禮注炊黍稷曰饑字林饑熟食也

在治忽忽鄭作習在治句絕聲音之道與政通在察天下治理也習屬下讀乃語詞說文曰詞也示象口气出也又習出气詞也從曰象气出形然則曰習二字古并爲語詞漢律厯志予欲聞六律五聲八音七始訓以出內五言班解順以歌詠五常之言古今文文字雖異句讀則同可證枚傳治忽連讀之非矣

陽鳥攸居古鳥島通用釋名鳥到也亦言鳥也集韻鳥古作鳥羣經音辨曰鳥海曲也冀州島夷史記作鳥夷揚州島夷漢地志作鳥夷後漢度尙傳注亦作鳥夷陽鳥不知何地呂氏春秋恃君覽有揚鳥豈卽禹貢陽鳥歟

九江孔殷老子孔德之容河上注孔大也堯典以殷仲秋史記殷作正以閏月

定四時史定亦作正殷訓正定亦訓正然則殷定同義固尙書之師說孔殷者大定也東合大江故水執大定

三百里諸侯三疑二字之譌

二百里流廣雅釋詁流末也最居五流之末故曰流漢書外戚傳託長信之末流是流有末義

怠弃三正爾雅釋詁正長也左傳木正曰句芒注正官長也三正者三卿也猶晉六卿謂之六正也大國三卿命于天子怠弃則不奉王命可見

御非其馬之正正史記作政枚傳以正馬釋政其所據本亦當作政惟于義難通政疑攻字之誤三攻字同義

予則帑戮汝周官司厲注鄭司農云今之爲奴婢古之罪人也故書曰予則奴戮女據此是古本止作奴不作孥漢書季布傳贊奴僂苟活此固尙書舊說

有眾率怠弗協馬注眾民相怠墮非經旨方言桀無道乃又責民斯不然矣怠讀爲殆詩受命不殆箋解作解殆論語思而不學則殆何注解作疲殆是怠殆



通也此意當爲危殆之殆三率字皆語詞詩帝命率育毛云率用也

惟女含德不惕予一人國語楚語土氣含收韋注含藏也戰國策秦策含怒曰  
久高注含懷也惕白虎通引作施當從言汝懷藏其德不施及予一人也

承女俾女說文俾益也亦作餽通作埤承女承引女俾益女也

今余命汝一無起穢以自臭一字當屬下讀大戴記則一諸侯之相也荀子勸  
學一可以爲法則盧楊并曰一皆也

弔由靈各弔訓善詩節南山傳弔至箋至猶善也棗誓正義弔訓至鄭云至猶  
善也弔由靈各者善用其成法也

天旣訖我殷命時殷未亡天旣當作天其禹貢維嶠其道史記作旣道常武徐  
方旣來荀子引作其來是旣其通用之證

我用沈酗于酒鄭注周官司救亦有酗營之女不得謂漢無酗字玉篇兕酒曰  
酗營又出酗字曰同上玉篇之字多本說文必以說文無酗改從作酗失之泥  
矣